



Broj: 04/5-02-1115/22

Datum: 02.06.2022.

ZAPISNIK

Sa 3. sjednice Vijeća nacionalnih manjina Federacije Bosne i Hercegovine, održane 02.06.2022.godine

Treća sjednica Vijeća nacionalnih manjina Federacije Bosne i Hercegovine održana je 02.06.2022.godine, sa početkom u 12,00 sati.

Prisutni na sjednici su bili sljedeći članovi:

Sjednici nisu prisustvovali:

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Za 3. sjednicu Vijeća nacionalnih manjina Federacije Bosne i Hercegovine predložen je sljedeći:

DNEVNI RED

- 1. Usvajanje Zapisnika sa treće sjednice Vijeća nacionalnih manjina FBiH;**
- 2. Sastanak sa predstavnicima Ministarstva za ljudska prava i izbjeglice BiH, Misije OSCE BiH, i UŽR „Bolja budućnost“;**
- 3. Tekuća pitanja.**

Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

1. Usvajanje zapisnika sa Konstituirajuće sjednice Vijeća nacionalnih manjina FBiH;

Predsjedavajuća Vijeća je pozvala prisutne članove na glasanje o usvajanju zapisnika sa druge sjednice Vijeća Nacionalnih manjina, napomenuvši da ukoliko ima neko primjedbe ili sugestije da iznese iste. Kako nije bilo primjedbi, **zapisnik je jednoglasno usvojen.**

2. Sastanak sa predstavnicima Ministarstva za ljudska prava i izbjeglice BiH, Misije OSCE BiH, i UŽR „Bolja budućnost“;

Predsjedavajuća Vijeća Nacionalnih manjina je obavijestila članove Vijeća da je predstavnica Ministarstva za ljudska prava i izbjeglice BiH bila spriječena da prisustvuje sjednici. Iz UŽR „Bolja budućnost“ niko nije prisutan te nisu o odsustvu obavijestili Vijeće. Predsjedavajuća Vijeća je istakla da je tema ove sjednice žalba koju su četiri udruženja uputila zbog netransparentnosti izbora članova Vijeća nacionalnih manjina. Udruženja su žalbe uputila Ministarstvu pravde koje je iste prosljedilo Vijeću,

zbog nenadležnosti. Predsjedavajuća je istakla da je Vijeće nacionalnih manjina izabrano po svim propisima Vijeća te posebno istakla član 35. Statuta Vijeća nacionalnih manjina kojim se u stavu 3. propisuje da udruženja nacionalnih manjina će saradivati s Vijećem preko svojih predstavnika, članova udruženja u Vijeću. Vijeće je uputilo cirkularno pismo, koje su trebali članovi Vijeća da prosljede, odnosno njima obavijeste uruženja nacionalnih manjina, koji bi predložilo svog kandidata. Predsjedavajuća je istakla da je izbor Vijeća sproveden kao i u prethodnom mandatu. Ispred OSCE- a je sjednici prisustvovala Amela Tandara. Amela Tandara je istakla da OSCE-u žalbe nisu upućene ali da se OSCE brine za transparentnost procesa izbora članova. Tandara je istakla da je zbog sumnje na netransparentnost procesa OSCE održao sastanak i u Ministarstvu pravde, te iznijela stav kako ovaj način izbora nije odgovarajući iz razloga što neka udruženja mogu biti nenamjerno izostavljena pri obavještanju o mogućnosti kandidovanja predstavnika u Vijeće. Irma Muratović, član Vijeća, je istakla da zbog neadekvanih zakonskih odredbi Vijeće nije četiri godine radilo, te izrazila pozitivan stav ka izmjeni i dopuni Zakona. Vijeću se obratila Admira Biberović, član Vijeća, te izrazila žaljenje zbog neprisustva gostiju ispred udruženja Roma i Ministarstva. Istakla je da će članovi romske nacionalne manjine koji su u Vijeću održati sastanak sa udruženjima, ministarstvom i ostalim zainteresovanim povodom pomenutih žalbi. Za kraj je istakla da mladi članovi romske nacionalne manjine veliki iskorak za budućnost svih Roma te da će se lično zalagati za njihov boljitak. Dervo Sejdić, član Vijeća, istakao je kako je on lično saznao za mogućnost kandidovanja u Vijeće preko novina, iako nije udruženje čiji je on član imalo predstavnika u ranijem sazivu Vijeća. Dervo Sejdić je podržao prethodno izlaganje članice Vijeća Admire Biberović. Velibor Kuvač, član Vijeća, se obratio Vijeću te podržao stav Vijeća da je izbor članova Vijeća održan u skladu sa propisima Vijeća, te da bi se izmijenio taj način, potrebno je izmijeniti Zakon.

Predsjedavajuća je istakla da su sjednice Vijeća javne i da sva udruženja mogu prisustvovati istim te iznijeti svoje prijedloge i zahtjeve, koje će Vijeće razmotriti. Za kraj, Predsjedavajuća je informisala Vijeće da je prisustvovala sjednici Administrativne komisije Predstavničkog doma, gdje je iznijela zahtjev Vijeća za povećanje nakade članovima Vijeća.

Vijeće nacionalnih manjina po ovoj tački jednoglasno je donijelo sljedeći

ZAKLJUČAK

Vijeće nacionalnih manjina će nastaviti rad u ovom sazivu u okviru Zakona i mišljenja nadležnih Ministarstava, uz obavezu da će se za sljedeći mandat, kada budu finalizirane izmjene i dopune Zakona, provesti transparentniji izbor članova Vijeća nacionalnih manjina.

3. Tekuća pitanja.

Po ovoj tački dnevnog reda nije bilo rasprave.

Sjednica je završena u 13,00 sati.

PREDSJEDAVAJUĆA VIJEĆA

Hidajeta Redžić

